

longinquo, cui si aromatum fragrantia jungatur magis
magisq; delectatus vinum immoderatus bibt, ac sine
omni difficultate capitur. Quid memorem Canem, cui
supra exemplum accuratisimum olfactum concessit Na-
tura? Hinc propter nervum odoratūs majorem vestigia
Heri præ aliorum dignoscit & coturnices perdicesq; scitè
eminūs explorat. In *Gustus acrimoniā principem locum*
Simia obtinet juxta tritum versiculum:

Nos Aper auditu, præcellit Aranea tactu,

Vultur odoratu, Lynx visu, *Simia gustu.*

Solus adhuc superest ē sensibus externis *Tactus*, cuius ope
Gallus in primis mutationes aëris præsentit, ac cantu præ-
nunciat. Nec minor qvoque virtus in Urso, qvi ob ex-
quisitissimum tactum in naso percussus vehementur irri-
tatur, unde ortum Proverbium: *Ne tentes nasum Ursi.*
Qvis hæc & alia miranda Animalium opera soli automa-
torum aut horologiorum motui adscribenda censeat? Plu-
ra de his qvi desiderat adire poterit præter prolixiores ani-
malium Scriptores Aldrovandum nempe, Gesnerum, Joh. Jon-
stonum, Samuel. Bochartum B., qvoque Sperlingum totiescita-
tum, in *Zoologia Physica*.

§. V.

Atq; hæc de Sensibus Externis, qvos jam excipiunt
Interni, qvi pari suffragio nostram sententiam confir-
mant. Ipse Somnus *Sensus Communis* adstructor firmissi-
mus. Somnus enim juxta Physicos actionum *Sensus*
Communis & facultatis locomotivæ privatio est, à Spi-
rituum animalium in organis negatione orta. Ubi ergo
Sensus Communis ad tempus privatio, ibi qvoq; ejus-
dem infallibilis dabitur Existentia. Somniare verò Bruta

B 3

plurima